

Saksprotokoll i fylkestinget - 06. og 07.03.2018

Rosalind Fosse (FrP) sette fram slikt forslag:

«1. Alternativ:

Utvalg for opplæring og helse er positiv til etablering av produkssjonskole, men finner ikke Hjeltnes som rett sted.

2. Utvalg for opplæring og helse anbefaler ut i fra dette at eiendommene på Hjeltnes legges ut for salg.

3. I den grad Ulvik herad har interesse for noen av eiendommene, bes rådmannen om å komme tilbake med dette.»

Aud Karin Oen, SV, sette fram slikt oversendingsforslag til fylkesrådmannen:

«Det vert sett på om det er mogleg å opna for elevar frå Sogn og Fjordane allereie ved første inntak.»

Det var 55 røysteføre under røystinga.

Røysting

Innstillinga vart vedteken mot 18 røyster (Frp, H).

Fosse sitt forslag fekk 18 røyster (Frp, H) og fall.

Oen sitt forslag vart samrøystes vedteke oversendt på vegner av forslagsstillaren utan realitetsbehandling.

Vedtak

1. Det vert etablert døgnkontinuerleg produksjonsskuledrift på Hjeltnes i samsvar med prosjektskisse og med oppstart frå hausten 2018. Permanent produksjonsskuledrift føreset eit årleg statleg tilskot på 9 mill. kr. Drift av produksjonsskule på Hjeltnes vert organisert som gjort greie for i saksframlegget. Opplæringsavdelinga og eigedomsavdelinga sitt budsjett må samla styrkast med om lag 5,8 mill. kr frå 2019.
2. Fylkestinget gir ei ekstraordinær budsjettløyving til oppstart i 2018 på til saman 2,8 mill. kr.
3. Fylkestinget løyver 18,2 mill. kr til investeringar på Hjeltnes i 2019. Inntekter frå sal av eigedom på Hjeltnes skal nyttast til nye investeringar på Hjeltnes.